



REPUBLIKA E SHQIPËRISË
BASHKIA SHKODËR
KËSHILLI BASHKIAK

VENDIM

Nr. 19 datë 20.7.2023

“PËR MIRATIMIN E KRITEREVE DHE PROCEDURAVE TË PËRZGJEDHJES SË ANËTARËVE TË KËSHILLIT VENDOR TË RINISË, SI DHE TË MËNYRËS SË ORGANIZIMIT E TË FUNKSIONIMIT TË TIJ NË BASHKINË SHKODËR”

Këshilli Bashkiak Shkodër, në mbledhjen e tij të datës 20.7.2023, me propozim të Kryetarit të Bashkisë, në mbështetje të ligjit nr. 139/2015 “Për Vetëqeverisjen Vendore”, i ndryshuar, neni 10 i ligjit nr. 75/2019, “Për rininë”; VKM -së Nr.681, datë 02.09.2020 “Për mënyrën e krijimit, të organizimit e të funksionimit të agjencisë kombëtare të rinisë, VKM -së Nr.969, datë 02.12.2020 “Për përcaktimin e kriterëve e të procedurave të zgjedhjes së anëtarëve të Këshillit Kombëtar të Rinisë, si dhe të mënyrës së organizimit e të funksionimit të tij;

V E N D O S I:

1. Miratimin e kriterëve dhe procedurave të zgjedhjes së anëtarëve të Këshillit Vendor të Rinisë (në vijim KVR), si dhe të mënyrës së organizimit e të funksionimit të tij, sipas Shtojcës bashkëngjitur dhe pjesë integrale e këtij vendimi.
2. Ngarkohet Drejtoria e Shërbimeve Sociale, Strehimit dhe Shëndetit Publik, Drejtoria e Arsimit, Kulturës, Rinisë dhe Sportit dhe Qendra Rinore Publike “Atelie” për zbatimin e këtij vendimi.
3. Ky vendim hyn në fuqi sipas përcaktimeve të pikës 6 të nenit 55 të ligjit nr.139/2015 “Për vetëqeverisjen vendore” i ndryshuar.

KRYETAR

Oltion LULI

Sekretari i Këshillit Bashkiak

Denis Lesha

Miratuar me 39 vota

Vota Pro 39

Vota Kunder 0

Vota Abstenim 0

Zbardhur me datë 24.7.2023

Qëllimi dhe funksioni i Këshillit Vendor Rinor:

1. Këshilli Vendor i Rinisë është organ këshillimor, që funksionon pranë Kryetarit të Bashkisë. Këshilli Vendor i rinisë ushtron kompetencat e mëposhtme:

- a) këshillon njësitë e vetëqeverisjes vendore për drejtimin e politikave dhe planeve vendore për rininë;
- b) vlerëson situatën e të rinjve dhe zbatimin e planeve dhe politikave rinore në nivel vendor;
- c) propozon përmirësime të politikave vendore rinore, si dhe nismat që i përshtaten nevojave të të rinjve në territorin ku veprojnë;
- d) bashkëpunon dhe shkëmben informacion me Këshillin Kombëtar të Rinisë.

2. Këshilli Vendor i Rinisë kryesohet nga Kryetari i Bashkisë dhe përbëhet nga të paktën 4 deri në 6 anëtarë, ku të paktën gjysma e anëtarëve përfaqësojnë organizatat rinore dhe/ose për të rinjtë. Anëtarët e këshillit vendor të rinisë emërohen me urdhër të Kryetarit të Bashkisë.

3. Kriteret, procedurat e përzgjedhjes së anëtarëve të Këshillit Vendor të Rinisë, si dhe mënyra e organizimit dhe funksionimit të Këshillit Vendor të Rinisë miratohen me vendim të Këshillit Bashkiak, duke iu referuar, për aq sa është e mundur, kriterëve dhe procedurave të miratuara nga Këshilli i Ministrave për Këshillin Kombëtar të Rinisë.

A. Kriteret dhe procedurat të përzgjedhjes së anëtarëve të Këshillit Vendor Rinor në Bashkinë Shkodër:

1. KVR-ja përbëhet nga 6 (gjashtë) anëtarë bashkë me Kryetarin e Bashkisë, ku respektohet parimi i barazisë gjinore. Përbërja e KVR-së vijon si më poshtë:

- a. Kryetari i Bashkisë (kryeson);
- b. përfaqësues nga sektori i rinisë, qendra rinore apo këshilli bashkiak;
- c. presidenti i senatit të shkollave të Bashkisë Shkodër;
- d. përfaqësues anëtarë të këshillave studentorë / të pavarur;
- e. (2) dy përfaqësues nga organizatat rinore dhe / ose për të rinjtë.

2. Anëtarët e KVR-së emërohen me urdhër të Kryetarit të Bashkisë dhe mandati i tyre është dy vjeçar, me të drejtë riemërimi.
3. Anëtari i KVR-së mund të japë dorëheqjen në çdo kohë, duke njoftuar me shkrim Kryetarin. Anëtari i dorëhequr është i detyruar të përmbushë të gjitha detyrimet e lëna deri në miratimin e urdhërit të ndryshimit.
4. Anëtarët e KVR-së duhet të deklarojnë çdo rast të konfliktit të mundshëm të interesit, në përputhje me legjislacionin në fuqi.
5. Anëtarët e KVR-së kryejnë detyrën e tyre bazuar në parimin e mos-diskriminimit, të meritës, transparencës dhe gjithë-përfshirjes.

B. Procedurat e përzgjedhjes së anëtarëve të Këshillit Vendor Rinor të Bashkisë Shkodër

6. Kandidatët për anëtar të KVR-së identifikohen dhe shprehin interesin në bazë të një thirrje për shprehje interesi për të marrë pjesë në KVR, të njoftuar nga Kryetari, në faqen zyrtare të institucionit, në mjediset e Bashkisë dhe/ose në rrjetet sociale institucionit.
7. Përzgjedhja mes individëve që kanë shprehur interes nga administrata, nga Këshilli Bashkiak, organizatat rinore/për të rinjtë, bëhet nga një komision i ngritur nga Kryetari duke u bazuar në kriterin e përvojës së mëparshme në sektorin e rinisë;
8. Komisioni përbëhet nga pesë (5) individ përfaqësues të nivelit drejtues nga Bashkia, përfaqësues të nivelit drejtues nga organizatat joqeveritare, përfaqësues nga shkollat publike, me ftesë nga kryetari.
9. Anëtarit presidenti i senatit të shkollave të Bashkisë Shkodër i rezervohet anëtarësim direkt në KVR.
10. Kandidati për anëtar të KVR-së, përfaqësues i organizatave rinore, duhet të plotësojë këto kritere:
 - a. të ketë dhënë kontribut në fushën e rinisë të paktën për 2 (dy) vitet e fundit, nëpërmjet projekteve me fokus rininë apo të zhvillimit të nismave ose të aktiviteteve për promovimin e të rinjve;
 - b. të mos jetë i dënuar me vendim gjyqësor të formës së prerë;
 - c. të mos ketë konflikt interesi në përmbushje të kërkesave dhe dispozitave ligjore.

11. Kandidati për anëtar të KVR-së, jo përfaqësues i organizatave rinore, duhet të plotësojë këto kritere:

- a. të mos jetë i dënuar me vendim gjyqësor të formës së prerë;
- b. të ketë përvojë pune në fushën e zhvillimit apo të zbatimit të aktiviteteve rinore, apo të ketë qenë pjesë e nismave ose aktiviteteve për promovimin e të rinjve;
- c. të mos ketë konflikt interesi në përmbushje të kërkesave dhe të dispozitave ligjore në fuqi.

12. Kandidati, për t'u emëruar anëtar i KVR-së, duhet të paraqesë, përkatësisht, dokumentacionin si vijon:

- a. kandidati, përfaqësues i organizatave rinore dhe/ose për të rinjtë:
 - i. kërkesën;
 - ii. jetëshkrimin;
 - iii. fotokopje të dokumenteve që vërtetojnë jetëshkrimin;
 - iv. vërtetimin e gjendjes gjyqësore ose vetëdeklarimin e saj;
 - v. vetëdeklarimin e konfliktit të interesit;
 - vi. NIPT të organizatës që përfaqëson;
 - vii. jetëshkrim të organizatës.
- b. kandidati, jo përfaqësues i organizatave rinore:
 - i. kërkesën;
 - ii. jetëshkrimin (CV: fotokopje të dokumenteve që vërtetojnë jetëshkrimin);
 - iii. vërtetimin e gjendjes gjyqësore ose vetëdeklarimin e saj;
 - iv. letër motivimi;
 - v. vetë-deklarimin e konfliktit të interesit

13. Thirrja për aplikim për kandidaturat e përmendura të këtij vendimi, publikohet në faqen zyrtare të Bashkisë Shkodër: www.bashkiashkoder.gov.al dhe Qendrës Rinore Publike "Atelie": www.shkodrarinore.gov.al, për një periudhë prej 15 (pesëmbëdhjetë) ditësh.

14. Shqyrtimi i aplikimeve dhe përzgjedhje e tyre bëhet brenda 10 (dhjetë) ditëve kalendarike nga data e mbylljes së aplikimeve.

15. Rezultati i përzgjedhjes nga komisioni i ngritur do shpallet nga Kryetari i Bashkisë dhe publikohet në faqen zyrtare të Bashkisë Shkodër: www.bashkiashkoder.gov.al dhe

Qendrës Rinore Publike “Atelie”: www.shkodrarinore.gov.al, për një periudhë prej 15 (pesëmbëdhjetë) ditësh.

C. Organizimi dhe funksionimi i Këshillit Vendor Rinor

16. Këshilli Vendor Rinor është organ këshillimor, që funksionon pranë Kryetarit të Bashkisë. KVR-ja ushtron kompetencat e mëposhtme, sipas Ligji 75/2019 “Për Rininë”, neni 10, pika 1:
 - a. këshillon njësitë e vetëqeverisjes vendore për drejtimin e politikave dhe planeve vendore për rininë;
 - b. vlerëson situatën e të rinjve dhe zbatimin e planeve dhe politikave rinore në nivel vendor;
 - c. propozon përmirësime të politikave vendore rinore, si dhe nismat që i përshtaten nevojave të të rinjve në territorin ku veprojnë;
 - d. bashkëpunon dhe shkëmben informacion me Këshillin Kombëtar të Rinisë.
17. KVR-ja mbledhet jo më pak se 4 (herë) herë në vit.
18. Mbledhja e KVR-së zhvillohet kur janë të pranishëm të paktën gjysma (1/2) e anëtarëve të saj.
19. Veprimtaria e KVR mbështetet nga Sekretariatit teknik i cili përbëhet nga (1) një ose më shumë punonjës të bashkisë. Caktimi i anëtarëve të sekretariatit teknik e procedura e thirrjes së mbledhjes apo elemente të tjera për funksionimin e KVR-së përcaktohen në rregulloren e brendshme, e cila miratohet nga Kryetari i Bashkisë për rininë.
20. Sekretariati teknik thërret mbledhjet në bazë të nevojave që shprehen nga radhët e kryetarit ose të anëtarëve.
21. Sekretariati teknik njofton anëtarët e KVR-së, të paktën 7 (shtatë) ditë përpara datës së përcaktuar për mbledhjen (data, ora, vendi) me anë të e-mail: info@shkodrarinore.gov.al
22. Sekretariati teknik mban proces verbalin dhe çdo komunikim tjetër që lidhet me veprimtarinë e KVR-së. Procesverbali nënshkruhet nga çdo pjesëmarrës prezent në mbledhjen e KVR-së.
23. Mbledhjet e KVR-së zhvillohen kur janë të pranishëm të paktën gjysma (1/2) e anëtarëve të saj. Nëse nuk paraqiten në mbledhje numri minimal i anëtarëve pjesëmarrës, takimi shtyhet për një datë të mëvonshme.

24. Mandati i anëtarit të KVR-së mbaron kur:
- përfundon afati dyvjeçar nga data e emërimit;
 - humbet zotësinë juridike për të vepruar me vendim gjykate apo dënohet me vendim gjyqësor të formës së prerë;
 - jep dorëheqjen.
25. Anëtari i Këshillit Vendor të Rinisë lirohet nga detyra, para mandatit, nga kryesuesi i KVR me më shumë së ½ e votave, në rastet kur:
- nuk paraqitet, pa shkaqe të justifikuara, në të paktën 3 (tri) mbledhje të njëpasnjëshme të KVR-së;
 - paraqiten shkaqe objektive, që e bëjnë të paafte për të kryer funksionet e ngarkuara;
 - nuk përmbush detyrimet si anëtar i KVR-së;
 - veprimet apo mosveprimet e tij kanë dëmtuar rëndë veprimtarinë dhe emrin e KVR-së.
26. Anëtari i KVR-së, të cilit i është ndërprerë mandati apo është liruar nga detyra, zëvendësohet nga kryesuesi dhe sekretariati teknik me një kandidat që përmbush kriteret e përcaktuara në këtë vendim, i cili ka qenë i kandiduar.
27. Kohëzgjatja e mandatit të anëtarit zëvendësues është sa pjesa e mbetur e mandatit të anëtarit të larguar.
28. Anëtari pajiset me referencë të lëshuar nga Kryetari i Bashkisë për kontributin e dhënë në sektorin e rinisë.

D. Të miratojë detyrat e Këshillit Vendor Rinor si më poshtë:

29. Promovon projektet dhe iniciativat për të rinjtë iniciuar nga Bashkia Shkodër dhe nga organizatat e shoqërisë civile;
30. Këshillon njësitë e vetëqeverisjes vendore për drejtimin e politikave dhe planeve vendore për rininë;
31. Vlerëson situatën e të rinjve dhe zbatimin e planeve dhe politikave rinore në nivel vendor;
32. Nxitë takime, diskutime me të rinjtë në gjithë territorin e Bashkisë Shkodër;

33. Propozon përmirësime të politikave vendore rinore, si dhe nismat që i përshtaten nevojave të të rinjve në territorin ku veprojnë;

34. Merr pjesë në trajnimet e propozuara nga aktorët publik dhe jopublik për ngritjen e kapaciteteve.

Sekretar

Denis LESHJA

